

Naqqiut

Isumaliutissiissut 12.05.22 taarserpaa

(Isumaliutissiissutip aallaqqaataani siunnersuutip imarisaa siunertaalu oqaaseqatigiit killiliussamut tunngasumut aningaasartalerneqarnerinut naqqiut)

**Utoqqalinersiaqarneq pillugu Inatsisartut inatsisaata allanngortinneqarnissaa pillugu
Inatsisartut inatsissaattut siunnersuut, aamma siusinaartumik pensionisiat pillugit**

Inatsisartut inatsisaata allanngortinneqarnissaanut siunnersuut

(Utoqqalinersiaqartunut utoqqalinersiat toqqammaviusut qaffanneqarneri,
utoqqalinersiat qaffasinnerpaat qaffanneqarneri aamma ilanngaassinnnginnermi
aningaasat tigummiinnagassat qaffanneqarneri)

Isumaginninnermut, Sulisoqarnermullu Naalakkersuisumit saqqummiunneqartoq

pillugu

Ilaqtariinnermut Peqqissutsimullu Ataatsimiititaliap

siunnersuutit aappassaaneerneqarnerannut

ISUMALIUTISSIISUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq

Inatsisartunut ilaasortaq Anna Wangenheim, Demokraatit, siulittaasup tullia

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Egaluk Høegh, Inuit Ataqatigiit

Inatsisartunut ilaasortaq Mala Høy Kuko, Siumut

Inatsisartunut ilaasortaq Aslak W. Jensen, Siumut

Inatsisartunut ilaasortaq Emmanuel Nuko, Naleraq

UPA2022-imi marsip 23.-ani siullermeinerup kingorna siunnersuut ataatsimiititaliap misissorpa.

1. Siunnersuutip imarisaa siunertaalu

Matumani siunnersuuteqarnikkut utoqqalinersiat pillugit Inatsisartut inatsisaat siusinaartumillu pensionisiat pillugit Inatsisartut inatsisaat allanngortinneqassapput. utoqqalinersialinnut

tamanut tunngaviusumik 9.000 kr.-inik amerlineqarnissaannik siunnersuut kinguneqassaaq, tassa kisimiittunut katissimanatik inooqatigiittunut.

Siusinaartumik pensionisiat pillugit Inatsisartut inatsisaanni allannguutit appasinnerpaamik sulisinnaassusillit qaffasinnerpaamik annertussusilinnik tigusaqartalernissaannik kinguneqassaaq, matuman i pineqartut 5.660 kr.-inik qaffaavigineqarnerinik kinguneqassalluni. Tamatuma saniatigut malittarisassat allanngortinnejassapput, taamaaliornikkut siusinaartumik pensionisianut ilanngaataangitsumik siusinaartumik pensionisiallip aapparisaatalu aningaasat isertitarisinnaasaattut killiliussaq 10.000 kr.-inik amerlineqassallutik.

2. Siunnersuutip Inatsisartunit siullermeerneqarnera

Siunnersuut pillugu pitsaasumik oqallittoqarpoq utoqqarnullu atugassarititaasut pitsangorsarneqarnissaannut sulineq tapersorsorluarneqarluni.

3. Tusarniaanermi akissuteqaatit

Tusarniaanermi akissutigineqartut inatsisisstatut siunnersuummut kakkiunneqarput, tamanna Inatsisartut Siulittaasoqarfiata ilusiliinissamut piumasaqataanut naapertuuppoq.

4. Siunnersuutip aningaasatigut kingunerisassai

Siunnersuutip piviusunngortinnejarnerani aningaasatigut kingunerisassai siunnersuummut nalinginnaasumik oqaaseqaatini allaaserineqarput. Tassani allassimavoq 2022-imikiviusunngortinnejarnissaanut 2022-imut aningaasanut inatsimmi 15 mio. kr.-inik 2023-ilu aallarnerfigalugu ukiumut 30 mio. kr.-inik immikkoortitsisoqarsimasoq.

5. Apeqquteqaatit

Ataatsimiititaliap siunnersuummik suliarinninnermini atugassaminik apeqqutit arlaqartut akineqarnissaat pillugu Isumaginninnermut Sulisoqarnermullu Naalakkersuisoq ataatsimiititaliamit qinnuigineqarpoq. Ataatsimiititaliap apeqquteqaatai aamma Isumaginninnermut Sulisoqarnermullu Naalakkersuisup akissuteqaataasa assilineri isumaliutissiisummut matumunnga ilanngussatut kakkiunneqarput. Tamatuma saniatigut ataatsimiititaliaq Isumaginninnermut Sulisoqarnermullu Naalakkersuisumik ulloq 25. april ilisimatitsiffiusumik ataatsimeeqateqarpoq.

6. Ataatsimiititaliap siunnersuutinik suliarinninnera

Aningaasat utoqqalinersianut tunngaviusut amerlineqarnerat ineqarnermut tapiissutit ilanngarneqarnerannik nassataqassanersoq, taamaalillunilu utoqqalinermi pensionisialinnut pitsaanngitsumik kinguneqassanersoq, qulaajassallugu suliarinninnerminut atatillugu ataatsimiititaliap soqutigisimavaa.

Utoqqalinersiat toqqammaviusut qaffanneqarnerisa ineqarnermut tapiissutit ikilineqarnerinik kinguneqassasoq Isumaginninnermut Suliffeqarnermullu Naalakkersuisup akissuteqaataani

allassimavoq. Naak isumaginninnikkut tunniuttakkat ilanngaavagineqareeraluarlutik utoqqalinersiallit pineqartut tigusartagaat amerlissasut naatsorsuutit takutippaat.

Ineqarnermut aaqqissusseqqinnissamut, utoqqarnut periusissiassamut aamma angerlarsimaffeqangitsunut periusissiamut atatillugu sulinerup ingerlatiinnarneqarnissaa aamma allassimasoqarpoq. Siusinaartumik pensionisiallit isertitaannut malittarisassat eqqarsaatigalugit inatsimmi allannguinerup siusinaartumik pensionisiallit saniatigut isertissinnaasaat ilanngaavagineqaratik 10.000 kr.-inik qaffanneqarnerinik aamma kinguneqassaaq. Taamaalilluni inatsimmi matumaní allannguineq ilanngaassisarnermi malittarisassanik allannguinertervik kinguneqassanngitsoq Naalakkersuisut akissuteqaataanni allassimavoq.

Ataatsimiititaliap inassuteqaatai

- Ataatsimiititaliami amerlanerussuteqartut Siumut aamma Inuit Ataqatigiit siunnersuutip akuersissutigineqarnissaa inassutigaat

Siumumiik ilaasortaatitat ilassutaasumik ima oqaaseqaateqarusupput:

Nuannaarutigaarput naalakkersuisoqatigiit suleqatigiisummi utoqqaat tamakkiinerusumik aningaasatigut atugaat aaqqiviginiarlugit suliniutinik aallartitsimmata, qilanaaraarput suliniutaasa timalersorlugit suliarilerpatigut suleqataanissatsinnut.

Demokraatinik ilaasortaatitaq ikinnerussuteqarluni imatut oqaaseqaateqarpoq:

Demokraatiniiit utoqqarnut atugassarititat pitsangngorsarnissaannut tunngaviatigut tapersorsorpaat. Taamaattorli aaqqissusseqqinnissamut isumaqtiginninniarnermi tapiissutinut allanut, soorlu ineqarnermut tapit allanullu isertitaqarnerulernermut nalimmassaassutinut tunngatillugu kalluaassanngitsoq. Naalakkersuisut akissuteqaammini tamanna suliarineqarneranik eqqaasaqanngillat, taamaattumillu utoqqarnut ineqarnermullu periusissiaq kissaatigisattuut naammassineqarnissaa nalorninartoqarpoq. Naluarputtaaq utoqqalinermorsiallit ineqarnermut tapit nalimmassarneqareerpata aningaasat tigummiat qanoq amerlatigisut pigilertassaneraat. Taamaattumik utoqqalinermorsiallinnut siusinaartumillu utoqqalinermorsiallinnut iluaqutaavallaarnavianngitsumik illuatungaanillu allaffisorneruliinnarnermut kinguneqartitseratarsinnaasunik aaqqiisoqarsinnaaneranik inissisimasoqarpoq. Isumarput attapparput Naalakkersuisullu peqqullugit isumaqtiginninniarnermi neriorsuutigisimasartik aamma attatissagaat.

Naleqqamik ikinnerussuteqarluni oqaaseqaat.

Ullumikkut utoqqalineriutaannarnik isumalluuteqartut atugarisaat amerlasuutigut ilungersurnartumik inissisimapput. ineqarnikkut atugarisat, inuussutissaqarnikkut atugarisat, kalaalimernit akii, nioqqtissat akii, aammalu kallerup inneranut imermullu akit, kiisalu kiassarnermut oliamik atuisunut apeqquaalluinnartarlutik. Tamakku tamaasa

eqqarsaatigalugit ullumikkut utoqqalinersiat qaffaatissaat annikippaallaartut pingaartumik utooqqaat utoqqalinersiutaannarnik isumalluuteqartut artornartumik inissisimasarmata.

Naleqqamiit erseqqissumik oqaatigissavarput maannakkut piffissanngormat utoqqartatta atugarisaasa pitsaanerulersinnejarnissaannut aamma utoqqalinersiat annertussusilersoneqarnerat eqqarsaatigalugu massakkumiik annertunerusunik utoqqarnut qaffaasoqartariaqalermat.

Nunatsinni utoqqaat ataqqinartumik atugassaqassapput. Utoqqalinersiuteqarnermi appaqarneq inuuniarnermut aporfiersuutassaanngilaq, aammalu ilaqtariit eqqarsaatigalugit illoqatigiinnikkut isertitat aporfiersuutigineqartariaqanngillat. Ilami massakkut utoqqaat ernguttaminnik imaluunniit qitornaminnek illusimasoqartarnertik aningaasaqarnikkut artornartorsiutigisarmassuk ilaatigut ineqarnermut tapiissutinik piaaffigineqartarlutik.

Utoqqalinermermi appariit isertitaat aallaavigalugit ilaatigut aappaasoq sulippat aappaasoq pillarneqartarpoq annikitsuararsuarnik ilaatigut utoqqalinersiuteqartarlutik. Uffalu ukiorpassuarni inuiaqatigiinni sullissereerlutik utoqqanngornerminni pisinnaattitaaffiarneqartarnertik assut inuttut naleqannngitsutut tunitsinnginnartunngortitaasarnertik artornartorsiutigilersarmassuk.

Taamaattumik qaa utoqqalinersiuteqartarneq ajunngitsumik aaqqiiviginartigu, taamaaliornikkut aamma ilaqtariit utoqqartallit atugarisaat pitsanngorsassavagut, utoqqaammi ilaqtuttaminnut isumassuiuartuupput ilaqtannguamik atugarissaarnissaat pisinnaatillutik suleqataaffigiuartaramikku.

Innuttaasut toqqissismallutik utoqqalinissaat tamatta anguniarparput, utoqqaat ataqqinartumik inuuneqarnissartik pisinnaattitaaffigaat, utoqqaat atugaasa oqinnerulernissaat tamatta anguniarparput, utoqqaat ikiortariallit ikiorneqassapput aamma angerlarsimaffimminni.


Utoqqalinersiutit qaffanneqarnissaannut 1. januar 2022 aallartiffegalugu atulersinnejassasoq kissaatigisimavarput aammalu annertunerusumik ullumikkut qaffatissanik annertunerusunik siunnersuuteqarsimalluta. Kisianni tamanna angusinnaasimanngilarput ajuusaarnaraluartumik.

Kisiannili neriorsorneqarnikuuvugut 1.juli 2022 aaqqiinissaq aatsaat atuutilertariaqartoq tassanilu tunngavilersuutigineqarluni ineqarnermut tapissuutit utoqqalinersiat qaffanneqarnissaannut akornutaassanngippata upernaaq manna Inatsisartut ataatsimiinnerani inatsisitassai nammasseneqartariaqartut ajuusaarnarluinnartumillu tamanna Naalakkersuisunik naammassineqanngilaq naak arlarleriarlugu apusseqqittaraluartugut.

Massakkullu toqqaannartumik ilisimanngilarput utoqqalinersiat qaaffatissaat qanoq ineqarnerminnut tapiissutinut sunniuteqassanersut.

Taamaattumik ullumikkornit qaffasinnerusumik utoqqalinersiutinut qaffaanissamik oqaartiutigisartakkagut aalajangiusimavagut.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Hans Peter Poulsen



Anna Wangenheim

Ateq
Siulittaasoq

Mikivsuk Thomassen
Mikivsuk Thomassen

Ateq
Siulittaasup tullia

Eqaluk Høegh



Mala Høy-Kuko

Aslak W. Jensen



Emanuel Nûko
Emanuel Nûko



Isumaginninnermut Sulisoqarnermullu
Naalakkersuisoq

ISN@nanoq.gl

Ulloq: 22-04-2022

J.nr.:01.38.01.03-00150

Isumaginninnermut Naalakkersuisumut allakkatigut apeqquteqaatit

Ilaqtariinnermut Peqqissutsimullu Ataatsimiititaliap UKA2022/25-imik suliarinninnerminut atatillugu matumuuna allakkatigut imaattunik apeqquteqarpoq.

1. Tunngaviusumik utoqqalinersiat qaffanneqarpata ineqarnermut tapiissutit naatsorsorneqartarerannut sunniuteqarnerlussava?
2. Sulilaarnikkut isertinneqartut utoqqalinersiat tiguneqartussat ilanngaaserneqartassappat?
3. Aapparisap sulineruneratigut isertitaqarneruneruneratigullu utoqqalinersianut apparsaataassappat?

Apeqqutigineqartut qulaani taaneqartut (kalaallisut danskisut) allakkatigut piaartumik akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut (mika@ina.alla.gl)-mut aamma Inatsisartunut (inatsisartut@inatsisartut.gl)-mut nassiunneqarnissaat qinnutigineqarpoq.

Qujareerlunga,

Ilaqtariinnermut Peqqissutsimullu Ataatsimiititaliaq sinnerlugu
Inussiarnersumik inuullaqquqsillunga
Hans Peter Poulsen

Ataatsimiititaliap siulittaasua



Ilaqutariinnermut Peqqissutsimullu Ataatsimiititaliaq

Inatsisartut

(inatsisartut@inaisartut.gl)

(mika@ina.alla.gl)

11-05-2022

Sags nr. 2021 - 18525

Akt. id. 19914261

Postboks 970

3900 Nuuk

Tlf. (+299) 34 50 00

Fax (+299) 34 63 64

E-mail: isn@nanoq.gl

www.naalakkersuisut.gl

Ilaqutariinnermut Peqqissutsimullu Ataatsimiititaliamit apeqqutinut ulloq

22. april 2022 nassiunneqartunut akissutit

Ilaqutariinnermut Peqqissutsimullu Ataatsimiititaliap apeqqutit ataaniittut ulloq 22. apr. 2022 nassiuppai, utoqqalinersiaqarneq aamma siusinaartumik pensionisiat pillugit Inatsisartut inatsisissaattut siunnersuutip maannakkut ataatsimiinnermi UPA2022-mi aappaassaanneerinneq sioqqullugu akineqartussatut.

1. Tunngaviusumik utoqqalinersiat qaffanneqarpata ineqarnermut tapiissutit naatsorsorneqartarnerannut sunniuteqarnerlussava?

Akissut: Aap, utoqqalinersiat tunngaviusumik qaffanneqarpata ineqarnermut tapiissutit naatsorsorneranni ilaatinneqassapput taamaattumillu ineqarnermut tapiissutit apparnerannut sunniuteqassallutik.

Naalakkersuisut tamanna nalunngilaat ineqarnermullu tapiissutit pillugit iluarsaaqqinnermut atatillugu sulinermi suliareqqinnejassaaq, ineqarneq pillugu iluarsaaqqinnermi, utoqqaat pillugit periusissiami aamma angerlarsimaffeqanngitsut pillugit periusissiami maannakkut suliarineqarnerannut atatillugu.

Taamaattumik utoqqalinersialinnut utoqqalinersianik tunngaviusumik qaffaaneq siusinaartumillu pensionisianit pisartakkat qaffasinnerpaat utoqqalinersialinnut atugassarititaasunik pitsangorsaalluni sulinermut atatillugu alloriarneruvoq siulleq.

Taamaattoq erseqqissartariaqarpoq, naatsorsuinerit tamarmik takutimmassuk, utoqqalinersiaqartut tamarmik kalluarneqartussat aningasaatit namminneq atorsinnaasat qaffattussaasut isumaginninnikkut pisartakkanit allanit ilanngaateqaraluarpualluunniit.



2. Sulilaarnikkut isertinneqartut utoqqalinersiat tiguneqartussat ilanngaaserneqartassappat?

Akissut: Siunnersuut siusinaartumik pensionisiallit ukiumut 10.000 kr. qaavatigut isertitaqarnissaannut periarfissiivoq, pensionisianut ilanngaataanngitsumik. Ullumikkut malittarisassat imaapput, siusinaartumik pensionisiaqartoq aappaqarpallu ataatsimut aningaasarsiaasa, siusinaartumik pensionisiat, utoqqalinersiat aamma Inunnut Isumaginninnikkut Isumannaallisaaneq pillugu Nunat Avannarliit isumaqatigiissutaasunit pensioninik pisartagaqarneq minillugit, 28.000 kr. sinnerpagit siusinaartumik pensionisiat ilanngarneqassapput. Aapparisap isertitai 100.000 kr. siullit naatsorsuinermi ilanngunneqarneq ajorput.

Siunnersuummi saqqummiuneqartumi qaqugukkut ilanngaassisooqarnissaanut aningaasanut killissarititaq qaffanneqarpoq 10.000 kr.-inik 38.000 kr-inut malittarisassat atuuttut malillugit 28.000 kr.-iniit.

Killissarititaq taanna isertitanit qaangerneqarpat, ullumikkusulli siusinaartumik pensionisiat ilanngarneqassapput.

3. Aapparisap sulineruneratigut isertitaqarneruneruneratigullu utoqqalinersianut apparsaataassappat?

Akissut: Utoqqalinersiaqarneq aamma siusinaartumik pensionisiat pillugit Inatsisartut inatsisissaannik allannguutissatut siunnersuummi saqqummiunneqartumi, soorlu akissut 2-mi allaqqasoq, siusinaartumik pensionisialik aappaalu ataatsimut isigalugu ukiumut 10.000 kr.-inik, malittarisassat atuuttut malillugit qaffasinnerusumik, isertitaqarnerunissaanik periarfissiivoq.

Siusinaartumik pensionisiallip aappaarisaa annertunerusumik sulissaguni taamaasillutillu aappariit aningaasanik killissarititaq qaangerlugu isertitaqarlutik, taava ullumikkusut ilanngarneqassapput.

Utoqqalinersiaqarneq pillugu ilanngaassisarnermi malittarisassat siunnersuutip allanngortinngilai taamaattumillu taakku taamatut ingerlaannassapput.

Inussiarnersumik inuulluaqqusillunga

Jess Svane